



Broj: 01-05-6011/17  
Sarajevo, 24.11.2017.g.

**Gradsko vijeće Grada Sarajeva**  
**N/r Igor dr. Gavrić, predsjedavajući**

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO:	04-12-2017		
Org. broj:		Druga:	Vrijemnost:
01-GV	-02-1517-7.1.g/17	JG	

Predmet: Odgovor na vijećničko pitanje upućeno na 7. sjednici Gradskog vijeća Grada Sarajeva (gradski vijećnik Samir Fazlić)

Veza: Vaš akt, broj: 01-02-1517-7/17 od 27.09.2017.g.

Poštovani,

Gradski vijećnik, g.Samir Fazlić, uputio je vijećničko pitanje sljedećeg sadržaja:

„Svjedoci smo da se odluke o manifestacijama od interesa za Grad iz oblasti kulture i iz oblasti sporta privremeno ne primjenjuju uz obrazloženje da Budžet Grada Sarajeva nije mogao biti funkcionalan da bi podržavao sve ono što je tim odlukama navedeno. Odbor za društvene djelatnosti je bio informiran da će se novi propisi kojim će se predložiti utvrđivanje manifestacija od interesa za Grad Sarajevo i predlagati Gradskom vijeću prije ili tokom procesa pripreme budžeta i programa rada za narednu godinu, ali do sad ovi propisi nisu predlagani Gradskom vijeću.

Zato se traži pismeni odgovor na pitanje u kojoj fazi pripreme, izrade, odnosno predlaganja su nacrti odluka o manifestacijama od interesa za Grad iz oblasti kulture i iz oblasti sporta.”

Odgovor:

Odluka o utvrđivanju sportskih manifestacija od značaja za Grad Sarajevo, kao i Odluka o utvrđivanju i sufinansiranju kulturnih manifestacija od posebnog interesa za Grad Sarajevo zadnjih godina nisu mogle biti adekvatno primjenjivane jer se nisu mogli obezbijediti finansijski uslovi za njihovu realizaciju. Zbog problema finansiranja Grada Sarajeva kao jedinice lokalne samouprave usvajanjem Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine Grad Sarajevo je ostao bez značajnog dijela finansiranja pa su uštede morale biti primjenjivane na svim stavkama. Nakon rješavanja nastalog problema sa finansiranjem i normalizacije finansiranja, prioritet Grada Sarajeva je stavljen na završetak već započetih projekata, te ni u ovoj godini nije bilo moguće izdvojiti značajnija finansijska sredstva za provođenje Odluka. Nacrtom Budžeta Grada Sarajeva za 2018. godinu predložena su sredstva za finansiranje sportskih i kulturnih manifestacija od značaja za Grad Sarajevo u iznosu od po 50.000 KM.

Iako se radi o skromnim sredstavima, stekli su se uslovi da se Odluke nastave primjenjivati. Služba za obrazovanje, kulturu, sport i mlade je svim udruženjima/organizatorima sportskih i kulturnih manifestacija poslala dopis-podsjetnik da su po Odluci bili dužni do 30. septembra tekuće godine podnijeti zahtjev za sufinansiranje manifestacije sa obrazloženim programom, planiranom finansijskom konstrukcijom programa, kao i kompletnom dokumentacijom kojom se dokazuje ispunjenje općih i posebnih kriterija iz člana 4. Odluke, kako bi se mogla planirati sredstva u Budžetu Grada Sarajeva za narednu 2018. godinu. Nažalost vrlo mali broj udruženja su dostavila svoje projekte. Služba je mišljenja da je ovakav način finansiranja pokazao



određene manjkavosti i da ga za 2019. godinu treba unaprijediti i predložiti neki novi način sufinansiranja programa i projekata iz kulture i sporta ali uz značajnija finansijska izdvajanja.

Gradonačelnik

mr. Abdulah Skaka



Dostaviti:

- Naslovu,
- a/a